




四川大學古籍整理研究所編

儒藏

史部
第一六五冊

四川大學出版社



四川大學古籍整理研究所 編

儒藏·史部

儒林史傳

第六十五冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

粵東名儒言行錄	清·鄧淳編撰		一
皖學編	清·徐定文編撰		八四一



粵東名儒言行錄

清·鄧淳編撰

郭齊校點

蔣宗許一審

刁忠民二審

清道光十一年刊本

《粵東名儒言行錄》二十四卷，清鄧淳編撰。清道光十一年養拙山房刊本。

鄧淳，字粹如，號樸庵，東莞（今廣東東莞市）籍，清嘉慶間人。

此稿收錄自唐至清粵東名儒約八十人言行，大約仿朱熹《名臣言行錄》之體，而分爲紀傳、紀言、紀事、紀論四門。紀傳爲傳主小傳，紀言爲其言論，紀事爲軼事輯錄，紀論則爲名家評論。編纂上，大體節錄史傳、方志、文集諸書原文，述而不作。是皆無甚新意。惟凡例一遵黃宗羲《明儒學案》主旨，一是所收諸儒以講學爲主，二是不存門戶之見，三是所取諸儒言論不主一偏，力求反映其「本來面目」，甚至照錄《明儒學案》凡例原文以爲凡例，則值得讚許。而自唐以來，粵東講學諸儒，其犖犖大端皆已略備於一編，作爲不多見之地域學術史及資料彙編，亦不無參考價值。至於刊刻，則錯譌甚多，未可稱善也。



昔予高祖文恭公爲躬修淑世之學、於前哲之言與事、往往編錄校定、或愷惻指其深心用意所在、以覺當日昏惑之錮習。至諸說紛馳參差不齊之故、則姑以俟異時之自悟、而先集其所優、從而表揚之。自厯官於外、迄夫陳臬開府、無一人不欲使納於善類之中。其所刊布之籍、如養正訓俗、從政各遺規、及在官法戒錄、呂新吾呻吟語節錄、高紫超小學纂注等是也。道光庚寅、予遊東粵、忝爲越華山長、所以教士者未嘗不思以先公之意行之、兢兢然惟恐其失墜也。適東官鄧徵君樸庵有粵東名儒言行錄之輯、欲鋟諸木、而俾予序其首。予觀

其自漢至

國朝凡砥行勵志實用及人之賢罔不搜羅散逸其事其言或他人評論一一采而列之而已不參以辨別同異去彼取此之見誠以諸賢之學是非純駁讀其言行當自得之前人已論之詳而說之盡虛心精察勿入主出奴勿隨眾附和從容玩索久之自豁然於心目之間於是茹其醇棄其疵揚其善舍其駁無非有益於吾身而毅然以前賢爲法是樸庵輯書之旨欲人人同歸於善不溺於汙濁與先公先後本一揆也予側聞樸庵學承家訓識力兼長所纂嶺南叢述足備東粵掌故今□



儒藏

刊行、復繼事茲役、其留心鄉國名賢以爲振興士氣之資、視掌故不尤重歟。且樸庵尙有家範一書、徵引亦備、將續此開雕以範族、而樸庵心術之正、更於焉可見。予因序樸庵是編、不禁緬維先文恭公當時束躬範世之盛事、而忼忼難去諸懷也。道光庚寅元月、桂林陳繼昌拜撰。

昔之儒者閤修一室、研窮夫天人性命之旨、馳騫乎道德仁義之途、懷文抱質、探委窮源、靡不騰茂當時、垂訓後世。然原其初、不過躬行實踐、自盡吾所賦於天之理、與吾所力乎人之學、深造而自得焉。斯已矣、固不靳乎人之知也。而後之人撫其遺編、流連慨慕、從數百年之後而追述數百年之前、竊不禁考其微言、標其奧旨、且述其生平行事、以誌嚮往之私焉。吾粵地位南離、漢唐以來、文明漸啟、厯宋迄明、而愈光其中。循博約之教者、有其人、厭糟粕而談性命者、亦復不鮮。濟濟彬彬、猗歟盛矣。慨自朱陸分壇、薛王各袒、其徒攻訐不已、是已非



人黨同伐異。而考其實、則有鄉黨自好之所不爲、恬然不識其身之無狀、而妄肆譏彈者、由其未嘗誦詩讀書、知人論世、無怪乎其道聽塗說、而以北山爲臣父之証、小弁爲小人之詩也。夫見仁見知、體道雖殊、而各追其胸中之所得、其爲修身齊家、陶世淑人則一。學者果能識其格致同功、知行並懋、真參實踐者何如人、獨見性真超超元妙者何如人、文章經術抑狂中禮者何如人、規圓矩方鼓狷近道者何如人、取其長而遺其短、法其實而棄其虛、由是履德蹈仁、盡性至命、尙何至徇於詞章功利、鹵莽滅裂沉溺而不返耶。三人行必有我師焉。

亦在乎學人善於抉擇而已。予不自揣、僭加搜括、共得八十人、題曰粵東名儒言行錄。典型具在、寤寐羹牆、是
有望於吾粵之有志向上者、抑不獨有望於吾粵已也。
道光庚寅元月、東莞鄧淳撰。

粵東名儒言行錄

凡例

一、是書採錄諸儒以講學爲主、蓋學術明而事功文章由此出。若徒有事功文章、雖已昭彰史冊、未敢採入、以混體例。

一、儒者之學主於躬行、故參考諸家紀傳以先之、次則畧載其生平議論、蓋有德者必有言也。至傳不能悉載其軼事、則復次之以紀事。人品高下、必須名人評論以爲折衷、故終之以紀論。

一、學問之道、以各人自用得着者爲真。凡倚傍門戶依



樣葫蘆者、非流俗之士、則經生之業。此編所列紀言、有一偏之見、有相反之論。學者於其不同處、正宜著眼理會、雖爲狂爲狷、或純或駁、所造不同、均屬本來面目、不必爲前輩諱。其資後人之論、定處在此、其爲後人所取法處、亦在此。

一、講學最忌門戶之見、循循於子臣弟友之常用功、於格致慎獨之要、便是聖賢種子、故是錄不敢別其源流支派、以滋聚訟。

一、學術異同、自宋已然、明代猶甚。然學術雖有醇疵之殊、而其品地之高、自有不可沒者。故凡屬講學之列、



儒藏

粵東名儒言行錄

凡例

不敢過爲刻覈、至取長棄短、學者自能抉擇。
一人往風微、見聞有限、凡諸儒文集已無從遍覽、諸家
之評論更艱搜羅、尙容陸續訪求、以昭慎重。

粵東名儒言行錄徵引書目

後漢書

宋史

明史

明一統志

明朝典彙

獻徵錄

殿學記

琬琰記

羅浮山志會編

西樵遊覽志

粵大記

嶺海名勝記

明史竊

廣東戴志

廣東黃志

廣東郭志

廣東金志

廣東郝志



儒藏

粵東名儒言行錄 徵引書目

廣東阮志

廣州府志

肇慶府志

南海志

番禺志

東莞志

新會志

封川志

揭陽志

潮陽志

江西通志

福建通志

京學志

江寧志

百越先賢志

廣州人物傳

白沙弟子傳

理學名臣錄

學統

理學宗傳